



**Kerwiespruch 1987.**

Ehr lieve Leit es iss jo wor,  
 die Kerweborsch so in do- in ehm dritte Jahr.  
 Vier Doach loang gehts jetzt rund,  
 do treiwe mers wirrer kunterbund.  
 Freidoachs do werd die Kerb gehollt,  
 Samsdoachs im Soal rumgedollt,  
 Sunndoachs werd de Umzug gefiert,  
 un Mondoachs doann die Kehl geschmiert.  
 Dienstdoachs werd sich doann schloofe gelegt,  
 un owends die Hering zerlegt.  
 Am Mittwoch iss alles vorbei,  
 do kehrt de Alldoach wirrer oi.  
 Uff de Aoweit gehts uns merb,  
 awer erzehl werd vun unserner Kerb.  
 Un was do so alles war bassiert,  
 dess werd vun uns nächstjahr glossiert.

Jetzt erzehl ich eich vum letzte Jahr,  
 glaabt mer dess iss alles wahr.  
 Die Leit die mache vielleicht Sache,  
 un mer hoffe ehr kennt driwver lache.  
 Seid net so ernst un hobbt koan Brass,  
 Nemmt dess alles fer en Spaß.  
 Singt, schunkelt und lacht hier uff de Gass,  
 un die Musik speelt uns jetzt de Kerwemarsch !  
 ( Die Worfeller Kerb, die Worfeller Kerb.... )

Samsdoachs noachts um vier, gesoffe hoann mer Schnaps un Bier,  
 die Kerl so in besoffe, unn hoann enn Kopp wie enn Stier,  
 die Musik packt ehn Krepel soamme,  
 jedes Moansbild schnappt soi Momme,  
 Ess werd gelacht, gekresche un doann gehts hoam,  
 Richtung Friedhof, Hinnergass orrer Linneboam.  
 Nur oaner hatts vergesse,  
 er hoatt noch beim Schlabbe uff em Abee gesesse.  
 De Wert denkt: "Alle Leit so in fort."  
 Außer oaner, der sitzt noch uff em Abort.  
 Bevor de Robert geht ins Haus,  
 leeft er hinner un läßt de Hund eraus.  
 De Hund der paßt im Hof jetzt uff,  
 un de Robert geht in soi Schlofstubb enuff.  
 Es vergeht e Zeit un doann werds hell,  
 uff oamol hert mer im Hof e laut Gebell.  
 Unsern Penner iss uff em Kloodeckel erwacht,  
 der sieht aus, dess iss die wahre Pracht.  
 Der iss noch roawevoll, oh Graus,  
 unn will aa glei de Kloodeer naus.  
 Er hat de Deergriff noch in de Hand,  
 do kimmt aa schunn de Hund oagerannt.  
 Uff oamol werd er leicheblass,  
 "Ei wie kunn ich doann jetzt uff die Gass?"  
 De Hund will ihn groad schnabbe,  
 do geht em Torsten bees de Zappe.  
 Schnell rennt er wirrer uff de Kloo,  
 es war jo koan oannern Ausweg do.  
 Er sieht dess Fenster dess ihm die Freiheit gibt,  
 ruck-zuck iss er do enaus gehibbt.  
 Awver jetzt nix wie fort - vun dem grauenvolle Ort.  
 Dehoam ogekumme dutt er noch schnaufe,  
 un die Musik speelt uns jetzt dess Lied vum Saufe.

( Ein Glück daß wir nicht saufen..... )

Mer kennt moal in die Wertschaft geh,  
ehr lieve Leit was war dess schee.

Do ging er so im Ort erum,  
uff oamol war er in de " Sunn "

2

Er hat sich bei zwoa onnern gestellt,  
un bei de Marie e Bier bestellt.

Nach ner Zeit do hot vum Saufe jeder seu Fett,  
uff oamol schlägt do oaner vor e Wett.

" Wette mer daß du dess net schaffst,"

seggt der oane schunn ganz obgeschlaift,

" in rer vertel Stunn en Bierdeckel zu verzern,  
ohne dodebei deu Gloas Bier zu leern.

500 Mark krigst du vun uns zwaa,  
wonn du uns machst die Wette war.

Er hot do gar net long iwverlegt,  
un hot aa glei noch en Bierdeckel gefregt.

Es geht los, die Uhr die leeft geschwind,

un die Adelheid frisst ohne daß em oan Schluck Bier gerinnt.

Er schluckt, kaut und worgt,

glei iss de Bierdeckel fort.

Jetzt im Endspurt iss er stark,

denn es geht jo um zwaa moal 500 Mark.

Die Zeit war um er hatt gewonne,

in der Gaststette " Zur Sonne."

Die Musik iss bereit, un speelt es Lied vun de Adelheid.

( Adelheid, Adelheid, schenk mir einen ....)

Im Herbst soin viel feste iwverm Khoi,

un wie bekoannt drinkt mer dort fast nur Woi.

Die Fußballer trinke normal fast nur Bier,

doch dort do warnse all defier,

zu trinke moal e Schebbsche Woi,

un ruck-zuck warn aa glei e paar droi.

Oaner der hot dess gar net verdroache,

dem hoats aa glei bees uff de Noache geschloache.

Vun de Bussfahrt bees geriddelt,

hots en de hoam im Bett noch goanz schee geschiddelt.

Raus aus em Bett un schnell bresche geh,

doch mitte im Raum, an soim Fernseh bleibt er steh.

Ich glaab der hoat soi Kotz schunn geroche,

un hot a glei lautstark in de Fernseh gebroche.

Uff de Balkon stellt er de Fernseh dann hie,

samt soiner schwerstinkende Brie.

Er wollt en trockenene loasse, hoat aw er net bedenkt,

daß ess die Noacht emol rejene kennt.

Es hot aa gerejent, un es war klar,

jetzt iss der Fernseh noch nässer wie er vorher schunn war.

Unn die Moral vun dere Redd,

der Fernseh der geht heit noch net.

Awwer en neije Fernseh hot er heit,

drumm singe mer jetst - Ein Prosit der Gemütlichkeit.

( Ein Prosit, ein Prosit, der Gemütlichkeit.....)

Moansch Feier geht aus mit em beese Krach,  
 Aa domols beis Diehle hinner de Bach.  
 Zwaa Kerl die honn sisch schwer in de Woll,  
 Der oane war aa goanz schee voll.  
 Er droht soine Kumbel middem Dod,  
 fehrt doann besoffe hoam ins Hesselrod.  
 Schnabbt sich e Pistol un kimmt wirrer zurick,  
 mit em bitterbeese grauenvolle Blick.  
 Oan de Rappmehl doann do steid er aus,  
 un hellt aa glei soi Knarre eraus.  
 Er laaft uff die Borsch zu un hält net soi Schnull,  
 Do druff wehlt de Miehlebesitzer glei 1 1 0.  
 Die Bulle die kumme aa glei vorbei,  
 un mache e Enn mit der Streiterei.  
 Stelle de " Little the Kid" erstmol in die Eck,  
 nemmem die Pistol un soin Fiehrerschoi weg.  
 uff oamol war Ruh vor de große Scheier,  
 bei de Kerweborsch vum Hessische Hof ehrne scheene Feier.

Mer koann feiern un en haufe tringe,  
 Worscht fresse un vun mer aus aa Schinge.  
 Doch woann mer im Suff oafengt zu schieße,  
 sollt mer sich besser dehoam im Keller euschließe.

Die Musik die speelt immer wieder:

" Kerweborsch soin lustsche Brierer. "

( Kerweborsch soin lustsche Brierer, haben .... )

De Woi schmeggt gut, de Woi schmeggt klasse,  
 Sache bassiern die sinn kaum zu fasse.  
 Vun Guntersblum do ess bekomnt,  
 ess Kellerwegfest im goanze Loand.  
 De Balzer un de kloane Evel,  
 die hoann gesoffe moanschen Stiefel.  
 Em oane Keller nausmaschiert,  
 im neechste Keller Woi probiert.  
 Bis se doann noch loanger Zeit,  
 in em Keller warn mit wenisch Leit.  
 dort honn se noch e paar Worfeller getroffe,  
 un aa glei kräftisch mitgesoffe.  
 Uff oamol foange se oa zu singe,  
 un wolle uff die Boank druffspringe.  
 Ja, nackisch mache wolle se sich,  
 deshalb soin se glei uff de Disch.  
 Woass doann bassiert ess isch glaabs selbst koun  
 isch habb gewollt ess wer nur en Troum.  
 Ess Hemb schnell aus, un doann die Hose,  
 mer wollde groad es Licht ausbloose,  
 do stehnse aa schon wie Gott sie erschaffe,  
 zum greife nah ehr mennliche Waffe.  
 Ruck-zuck war de goanze Keller voll,  
 do foange die oa zu hibbe wie doll.  
 De erste ess groad vum Disch geschmesse,  
 der oanner hat fast die Loambe oabgeresse.  
 Die Leit im Keller dun Zugabe kreische,  
 meehr konnde die zwaa doch werklisch net zeische.  
 Unn wie mer bezoahlt honn, hott die Wertsfreaa gesoat,  
 s'war schee dasder do ward dess war schon enn Schload.  
 Dess wär schee fer die Wertschaft woanns so oafach wär,  
 bei eich rabbelt die Kasc' unser Geldsegg soin leer.  
 Meer hoan gesorcht fer e voll Haus,  
 3 Flasche Woi Springe do mindestens raus.

3 Flasche wollte se, 5 hoann se griggt,  
So soinn se in Bus noi un warn goanz beglickt. 4  
In Worfelle oagekumme do warn se schun gesoffe,  
Do hoannse beim nausgeh die Deern koum getroffe.  
Die Flasche hennse besser gelosse wo se warn,  
un wern schun e paar Schobbe frieher hoamgefahrn.  
Woas hannse Schmerze beim bresche, was war dess so foi,  
Unn die Musik Speelt: " Jetzt trink mer noch e Fläschl Woi."

( Jetzt trink mer noch e Fläschl Woi..... )

Neilisch war Sperrmill im Worfeller Loand,  
daß do veel geklaut werd, dess ess jo bekonnt.  
Do hot mer zum Beispiel zwische rosdische Rohrn,  
e nei Fahrrad gefunne, dess hat noch niemand verlorn.  
Em Balzer soi Gisela die hot wie gewehnt,  
ehr Fahrrad bei de Berta oann die Hauswoand gelehnt.  
Wie immer ess se ins Haus noi maschiert,  
um de Berta zu verzehle woas im Ort so all bassiert.  
Ich will do jo nett hinnerum hetze,  
Ich glaab awer die zwaa die heern sich gern schwätze:

" Em Herbert soinn Stuhlgoang der ess net so schee,  
ich moan der misst zum Doggder mol geh.

De Nachbar Jupp der schnascht als so laut,  
das koaner Noachts vors Hofdoor sisch traut.

De Hund der klaut sich beim Metzjer soi Knoche,  
in de Siedlung hoann se wirrer eugebroche. "

Aa de Thomas der werd net vergesse:

"Der war neilisch voll un ess vorm Abee hegeschmesse!"

Do schwätze die zwaa die soinn gar net dumm,  
so bringe die ehr Zeit erumm.  
Unn das die Gisela mol Luft hole koann,  
erzehlt die Berta woas vun ehrrm hoann.  
Die Berta laut ess Thema wechselt,  
un verzehlt woas de Willi all fer scheene Sache drechselt.  
Selbst aus em Orewald kumme die Leit gelaafe,  
un dunn beim Willi Sache kaafe.

Die Zeit geht run, die Zeit vergeht,  
ob vorm Haus ess Road noch steht ?

Die Gisela die trifft de Blitz,  
Ehr kennt mers glawe es ess koan Witz.  
Dess Road war fort mit Luftbump un Speische,  
die Gisela fängt laut oh zu kreische:

" Erwin holl deu Auto eraus,  
mer fahrn dorschs Ort vun Haus zu Haus,  
un gugge wo moi Fahrrad kennt steh,  
e Bild vun emm Fahrrad woas war dess so schee!"

Doch dess Road war fort mit Rost un Rohrn,  
Oafach so wie enn Schlissel verlorn.

Gisela, du deest besser laafe,  
orrrer der e Fahrradschloß kaafe,  
doann bassiern der aa nett so Sache,  
wo oannern Leit gern drierwer Lache.

Unn die Berta net verschle koann im goanze Ort,  
" De Gisela ehr Road ess fort."

Deshalb speele mer fer die Gisela,  
" Wozu ist die Straße da"

( Wozu ist die Straße da.... )

Zohweh un koa Geld - Soin die schlimmste Schmerze uff de Welt!  
En Bauer in unserm Ort hoat sich dess aa gedocht,  
un hot sich uff die Boah gemacht.  
Beim Zohnarzt Imlauf hockt er droi,  
der guggt em in soi Mundwerk enoi. 5  
Hoin lieber Moann do muß ich bohren,  
do hoats unserm Patient bees gefroren.  
De Zohnarzt bohrt un bohrt oam Zoh,  
uff oamol bohrt er neue dro.  
Soin goanze Backe der war uff,  
unn glei e paar Minute druff,  
hot soin Doggder des erspäht,  
unn hot des Loch glei zugenäht.  
willi ich geb dir en gute Rat,  
heste besser net oan Zoahpasta gespart.

Unserm Wert soin Sohn der hot geheiert,  
do hoan die Kerweborsch groß mitgefeiert.  
Beim Poltern warn mer alle dort,  
un oam nächste Doach gings doann fort.  
Mer steie in unser Autos enoi,  
uff oamol fällt unserm Evel oi,  
in moim Tank do is jo nix mer drin,  
un er schitt soi mitgebroachtes Benzin e nin.  
Doann fuhrn mer alle hoam,  
unn es ging uff die Autobahn.  
Als mer schon e Stunn im Auto hocke,  
fängt soin Buckelporsche oh/zu bocke.  
Er werd als loangsamer un bleibt doann steh,  
er koann des selbst noch net versteh.  
Er macht soi Motorhaub uff,  
un guckt doann uff soin Motor druff.  
Alle Moann stehn doann,drumerum,  
koaner segt was, sie gugge nur dumm.  
Doch em Evel fällt doann oi,  
in dem Kanister, do war jo Diesel droi.  
Ehr liebe Leit was hat er Glick,  
er hat nämlich noch en Kanister Super mit.  
Der Motor hoat sich gefraat un hat soin Spaß,  
un de Evel gibt aa glei wirrer Gas.  
Un deshalb speele mer fer Ihn,  
" Ein Auto fährt nur mit Benzin."

( Ein Auto fährt nur mit Benzin, und Wasser .....)

++++

Zum Schluß noch woas in eigener Sache,  
fer all die gern trinke un aa gern lache,  
mer honn enn Vercin do mist ehr debei,  
dess ess nix fer jeden dess soag ich eich glei.  
Woas wolle mer mit Schläscher un oannern Bosse,  
bei uns werd nur oan de Schießbud geschosse.  
Mer wolle erhalte woas mer vun de Alde iwernumme,  
unn woan uns aa moanschmol die Kepp mojends brumme.  
Doch so 17-18 Joahr misst ihr schunn soi,  
wer nemlich jinger iss gehert in de Kinnergaade noi,  
aa die wo fast 30 soin, unn immer noch doll,  
die gehern bei de alte Veteroane uff die Roll.  
So ehr Buwe ehr wisst jetzt bescheid,  
ehr hett zum iwerleje bis next johr noch Zeit.  
Wer doann noch net waas ob er will orrer net,  
der bleibt doann oan beste oann Korb in soin Bett.

Isch merk groad ääwe die Kehl werd mer wund,  
Doch do gehts bei uns erst rischdisch rund.  
Mer doanze unn singe bis de Soal sommekracht,  
der Woi schmeckt so gut unn de Schitzewert lacht.  
Bei Hausmacher Worscht, Haxe unn Schinge,  
do wern mer noch so moansch Fläschje tringe.  
So jung wie mer heit soin, kumme mer net me soamme,  
de Baaber der schnabbt sisch zum doanze soi Momme.

Unn jeder singt jetzt mit unn ess rischdisch froh:

" Die worfeller Kerb ess wirrer do"!

